




Georgs 1106



Georgs-B.





**G**yn Pre

Dig / wie man vmb  
zeytlichen frid vnnnd rhu /  
vñ andere notdürfft dises zers  
genglichen lebens Got  
biten sol.

Andreas Osiander.

AN. D. xxvij.



**Gnad / frid vnd barmhertzigkeit sey**  
mit euch allen von Gott dem vater vnd sey  
nem eyngewornen Sun Ihesu Christo vnserm hern.

Amen.

**F**aller liebsten in Got / Ew: liebe hat yetzund aus dem hey-  
ligen Propheeten Mose vernomen / Wie der almechtig Got  
die sünd der welt mit eynem sündflus / vnd gemeynen verderben  
zū straffen trowet / vnd ernstlich fürseret / Also / dz da weder gnad  
oder barmhertzigkeit scheynet / noch kein bitten hilfft. Sonder es  
wirt alles menschlich geschlecht / mit allem das auff erden lebt / ver-  
tilget / bis an acht menschen vnd wenig thier / die bey jnen im lasten  
erhalten wurden.

Turn leret vns der heylig Apostel Petrus / in seyner andern Epi-  
stel am andern Capitel / dz Got der allmechtig mit sollichem ernsta-  
lichen vnd grausamen straffen / der Sündflus / desgleiche auch  
mit der erschöcklichen verderbung der stede Sodoma vnd Gomo-  
ra zc. Vns ein exempel gesetzt hat / wie er denen mit saren wol-  
le / die zukünftig gottlos seyn wurden / Nemlich die neben dem  
wort Gottes / verderbliche secten eynfüren / den Herren der sie er-  
kauft hat / verleügnen / den weg der warheyte verlestern / vñ durch  
geyz mit erdichte wortē an euch hantierē / in fleischlicher wollust  
leben / die herschafft verachten / vñ nichts können dan würgen zc.  
Wie sie dann der heylig Petrus daselst seyn hat abgemalet. So ses-  
hen wir auch darbey / das solchs gottlos leben zū disen vnsern sey-  
ten / mehr im schwancf geht / dann vor nye. Also das jederman er-  
kennen vnd bekennen muß / das es Gott die lenge nicht mehr leyde  
kan / Zūvor / weyl man seyn wort das vns in solcher finsternus vñ  
irthumb / wider auff zū helfen geschickt ist / so hefftiglich wider-  
sicht / vnd vervolget. Sonder er wirt gewislich straffen / vnd also  
straffen / das zū besorgen / es werd ganz Teütsch landt eyn grosse  
not vnd gemeyn verderben überfallen. Wie es dann schon hat an-  
gefangen / vnd so vil tausent man / durch die falschen auffrührer  
en vñ mördischen propheeten seyn verfür / vmb leyb vñ leben ge-  
bracht worden / Darbey man ja gotes grynnen zorn / über die ver-

echter  
Paulu  
Darun  
dz sie s  
das sie  
heyte m  
gerech  
Da  
vns ni  
dem m  
angen  
waltig  
pöfel h  
mit zū  
wir w  
verdo  
sich an  
jnen v  
ben / D  
tig her  
greyff  
straff  
die yez  
wort n  
gunst  
weyßh  
vnd ge  
reck e n  
alle me  
lachen  
fürch  
erw vn  
denn v  
werde  
nun da



echter seynes heilige worts / muß spüren / Dañ es spricht der heylig  
Paulus in der andern zum Thessalonicern am andern Capitel.  
Darumb das sie die liebe der warheyt nicht haben auffgenommen /  
dz sie selig wurden / Darumb wirt in Got sende kreffigen irthumb  
das sie glauben der lügen / auff dz gerichtet werde alle die der war  
heyt nicht glaubt haben / sonder haben eyn wolgefallen an der vns  
gerechtigkeyt.

Das Euangelion ist vns lauter vnd reyn gepredigt / vnd leret  
vns nichts dann glauben vnd hoffnung zu Gott / vnd liebe gegen  
dem nechsten / durch Chrustum. Das haben aber wenig menschen  
angenommen vnd sich gebessert / Sonder die hochgelerten vnd ges  
waltigen habens veruolget / iren bracht zu erhalten / Das gemeyn  
pöfel hats mißbraucht / fleyschliche freyheyt vñ frembde gütter da  
mit zu erlangen / vnd zu rauben. Die hat nun Gott gestrafft / wie  
wir wissen / mit irthumb / das sie den lügen glaubt haben / vnd sein  
verdorben vñ vmbkumen. Aber es hat noch keyn end / sonder laßt  
sich ansehen / als wolle nun Got über die grösten heüpter auch / vñ  
inen vergelten / das sie seyn wort so vngnediglich empfangen ha  
ben / Dierweyl keyn eynigkeyt vnter in ist / vnd der Türck so mech  
tig hereyn bricht / vnd im Gott so leychelich den sig gibt / das man  
greysen muß / das es nit menschen gewalt / sonder gotes zorn vnd  
straff sey. Wa der nu also für feret / wirt es die auch gar sein treffen  
die yetz ires gewalts irer ehren vnd ires güts söchten / vnd Gottes  
wort nicht wollen bekennen oder annemen / auff das sie nicht die  
gunst der welt verlierē. Dañ da wirt es eben gehn / wie in die ewig  
weyßheyt Gottes in den sprächen / am ersten Capitel hat getrowet  
vnd gesprochen. Dierweyl ich dan ruffe / vñnd jr weget euch / Ich  
reck e meyn hand auß / vnd nyemand achtet drauff / vñ laßt saren  
alle meyn rath / vnd wöllet meyn straff nicht. So will ich auch  
lachen in erwin vnfal / vnd erwi spotten / wenn da kumpt was ihe  
fürcht / wann über euch kumbt / wie eyn sturm / das jr fürchtet / vñ  
erwi vnfal als eyn wetter. Wenn über euch angst vnd not kumbt /  
denn werden sie mir ruffen / aber ich würd nicht antworten / Sie  
werde mich frū süchen / vñ nicht finden. Also wirt es gehen / wan  
nun das landt verderbt / die reychen beraubt / vnd die gewaltigen



vertriben oder gefangen sind / vnd alles dz vns yetz lieber ist / dan  
Gotes wort verloren vnd dahyn ist. Dan so wolten wir erst gern  
hören / das doch der seele würd geholffen / so es mit leyß vnd güte  
auß ist. Dann wolten wir geren im elend getröst werden / die wir  
yetz eyn gespöt vnd gelechter darauß machen. Dann wolten wir  
vns gern lassen benügen / an eym stück brots / mit rhü vñ frid / die  
wir yetz den armen so hert seyn / vnd den geytz nicht erfüllen kün-  
nen. Aber es wirt vmb sunst seyn / Xezundt wollen wir nicht / dan  
so wirt Gott auch nicht wollen.

Vns geschicht aber eben recht / wir habens wol verdient / vnd  
verdienens noch jüer teglich. Darumb wirt vns eben in die hend  
gehen / was wir fürchten / es sey dan / das wir Gotes zorn mit ern-  
stlichen gebet / vñ besserung vnsers lebens abwenden. Es ist noch  
nicht versaumt. Dan dieweyl vns Got noch seyn wort nicht hat  
genumen / So begert er ja noch zü helfen / wann wir nur wollen.  
Darumb laßt vns ernstlich vnd demütiglich vmb gnad in rechte  
glauben bitten / sunst wirt vns gewislich das vnglück treffen / es  
kumm gleych wo her es wöll. Dieweyl dann vns die not zü bitten  
dringt / vnd die Oberkeyt trewlich vnd ernstlich vermant / Darzū  
der heylig Paulus in der ersten zü Timotheo am andern fleysig le-  
ret vnd spricht. So erman ich nun das man vor allen dingen / zü  
erst thū gebet / fürbit vnd danck sagung für all menschen / für die kün-  
ig / vnd für all Oberkeyt / auff das wir ein gerüwig vnd still lebe  
füren mögen / in aller gottseligkeyt vnd redligkeyt. Dann solchs ist  
güt / darzū auch angeneh vor got vnserm heylandt. Welcher wil  
das alle menschen genesen / vnd zü erkantnuß der warheyte kumen.  
So müssen wir auch fleysig lernen / wie wir bitten sollen / auff dz  
man vns nicht auch sag / Ir wißt nit was ir bittet. Vnd darnach  
der fluch über vns gehe / der da geschriben ist im. cix. psalm / das  
vns er gebet zur sünde werd.

Vnd zum ersten ist zü wissen / dz zweyerley ding seyn / darumb  
wir hye aufferden bitten. Zyne die zum reych Gottes vnd zü vns-  
ser seelen seligkeyt gehöret / Die andern / die zü diesem zeylichen leben  
dienen. Wann wir nu vmb die ewigen vnd hymlichen güter wöl-  
len bitten / sollen wir vorhyn auß Gottes wort lernen / wie oder wa

rumb v  
der hey  
was w  
Gottes  
erst / w  
ter in m  
lich / w  
nem na  
betten in

Es  
den / so  
wenn si  
deynen  
aber nic  
peten. V  
sein wil  
Also / d  
selbs / so  
geschick  
gewere  
ssen bitt  
nem sun

Wa  
das es n  
Gott de  
am. lxx.  
noch red  
hen / wa  
hymlich  
mercken  
so haben  
lig Joh  
die freyd  
seinem n  
was wir



rumb wir bitten sollen / Dañ auß vns selbs wissen wirs nicht / Wie  
der heylig Paulus zun Römern am. viij. spricht / wir wissen nicht  
was wir bitten sollen / wie sichs gebüret zc. Dann wañ wir durch  
Gottes wort gewiß seyn / das wir recht bitten. Als danñ so gehet es  
erst / wie der Herr Johan. riiij. spricht. So jr etwas werd den vater  
in meynem namen bitten das wil ich thun / vnd am. xvj. War-  
lich / warlich ich sag euch / so jr de vater etwas bitten werdt in mey-  
nem namen / so wirt ers euch geben. Bis hieher habet jr nichts ge-  
betten in meynem namen / Bittet so werdt jr nemen.

Es haben aber disen spruch wenig leüt bißhieber recht verstan-  
den / sonder haben gemeynet es sey genüg / sie bitten was sie wollen  
wenn sie nur dian hencken. Allmechtiger Gott / ich bitt dich durch  
deynen eyngepomen sun Ihesum Christum vnsern herrn zc. habet  
aber nichts erworben. Dann das heyst alleyn in seinem namen ge-  
peten. Wañ wir durch sein wort oder seinen geyst wissen / das es  
sein wil vnd begird auch ist / das vns der vatter geb / das wir bittē  
Also / das wir vor Gott mügen sprechen / Wir bittē nicht aus vns  
selbs / sonder dein eyniger sun hats vns gelert / geheysen / vn̄ zu dir  
geschickt / das wir also bitten sollen / Gibstu vnd gewerest vns / so  
gewerest doch nicht vns / sonder deinen sun / der vns also hat haya-  
ssen bitten / vn̄ bittet mit vns / Versagest du vns / so versagest du dey-  
nem sun.

Wa nun ein solch gepet in der warheyte gehet / ist vn̄ möglich /  
das es nicht erhört werd / wann wir nur glauben / Dann da helet  
Gott der herr / das er durch den Propheten Esaiam hat zñ gesagt  
am. lxx. cap. **E**d dann sie schreyen / wil ich sie hören / vnd weyl sie  
noch reden / wil ichs erhören zc. Wir dürfen auch nit fast umbse-  
hen / wann / wie / oder wa vns Gott erhört vnd gewere / Dann die  
hymnischen güter seind alle geystlich vn̄ vn̄sichtlich / man kan nie  
mercken / wann oder wie sie kumen / sonder wann wir nur glaubē  
so haben wir sie schon. Das alles bezeuget vnd erkläret der heylig  
Johannes in seiner Epistel am. v. cap. da er spricht / Das ist  
die freydickheit die wir haben zu jm / das / so wir etwas bitten nach  
seinem willen / so höret er vns / Vnd so wir wissen das er vns höret  
was wir bitten / so wissen wir / das wir die bitt haben / die wir von



im gebete haben. Aus diesem sprach verstet man wol/das in sey  
nem namen vnd nach seinem willen bitten/ein ding ist / Darumb  
spricht der Herr zu seinen jüngern/Bis hieher habe jr nichts gepes  
ten in meynem namen/On zweyffel hetten sie vil gepeten / aber nit  
in Christus namen/das ist/nicht nach Christus willen / dann sie  
hetten seinen willen vnd sein reich noch nicht recht erlernt vnd er  
kent/darumb hetten sie auch wenig empfangen. Darumb ist es ge  
wiß vnd offenbar/das wir nicht in Christus namen mügen bitten/  
wir wissen dan/das wir nach seine willen bitten. Wie aber (möcht  
yemand sagen) wann mich die lieb heyst bitten/vnd ich dannoch  
nicht weyß/ob ich nach dem willen Christi bit oder nicht! Dartzü  
sag ich/was vns die liebe heyst/mögen wir wol thun/Ja wir sol  
lens auch thun. Wan wir aber Gotes wort nicht haben/das vns  
versichert/sollen wir dartzü sagen/Herr/deyn will geschehe. Dan  
also batt auch S. Paulus auß inpuinstiger liebe für die Juden/vñ  
wünschet/verbandt zü seyn von Christo/ für seyne brüder die seyne  
gesfreunte waren/nach dem fleisch. Aber diereyhl das gebett dem  
willen Christi nicht gleych war/erwarb er nichts/vñ wurd nicht  
erhört. Darumb sey dz der grundt/der da will vmb geystliche gü  
ter bitten/der sehe ob er nach dem willen Christi bit oder nicht. Bitt  
er nach dem willen Christi/so sey er gewiß/das er schon erhört sey  
vnd zweyfel nicht/ so hat er schon was er gebetten hatt. Weyßt er  
aber nicht ob es Gotes wil ist oder nicht/so setz er jm das heym/vñ  
sprech/Deyn will geschehe/vnd sey gewiß/dienet es zü Gottes eho  
re/vñ zü seyner seelen heyl/ so wurd es geschehen/ Gschicht es aber  
nicht/so sey er aber gewiß/das es jm nicht nütze/oder ja nicht von  
nöten sey gewesen/das er erhört werd. Wie auch S. Paulus batt /  
da jm ein pfal ins fleisch geben war/nemlich d engel des Satans  
der jm mit seufften schläge. Da batt er den Herren drey mal/das er  
von jm trette/vñ er sager zü jm. Laß dir genügen an meiner gnad/  
Dan krafft wirt durch schwacheyt stercker. Als sprach er. Wan dir  
meyn gnad nicht genüg wer/wolt ich dich geweren/ Tu dir aber  
meyn gnad gnüg ist/so darffestu auch des nicht/darumb gib ich  
durs auch nicht/ Dac sey nun von geystlichen gütern genüg/dies  
weyl das ewr lieb vor offt von mir gehört hat.

Wa  
wollen  
sey oder  
cher nan  
zweyffe  
zeyt geg  
chen/S  
so werd  
züsagun  
aber spr  
Es r  
werden  
ferre sie z  
lomon u  
nicht/la  
Ich mö  
chen/W  
len/vnd  
man nun  
kennen/  
sonder fi  
für die d  
das wir  
heyt wer  
auch nic  
vor ey n  
frey heyn  
sollen w  
wir bitten  
ckeyt. L  
schen sch  
vnd güte  
vnd reyn  
bringen.  
am. rj. v



Wann aber wir vmb zeyliche güter/die zu diesem leben dienen  
wollen bitten/sollen wir eben sehen/wie vor/obs der will Chusti  
sey oder nicht/haben wir zusagen(als wir dann haben von zimli-  
cher narung vnd kleydung)so sollen wir on alles wancken vnd  
zweyffeln bitten vñ wissen/dz wir erhöret sein/vñ es vns zu rechter  
zeyt gegeben werd/wie das vns der Herr hat zugelegt/vñ gespro-  
chen/Sücht zum ersten das reich Gottes vnd sein gerechtigkeit/  
so werden euch die ding alle zugelegt werden. Habē wir aber keyn  
zusagung oder versicherung/so sollen wir es im heym stellen/vnd  
aber sprechen/Deyn will geschehe.

Es wer aber güte/vnd solt billich bey allen Chursten gehalten  
werden/das man vmb zeyliche güter nicht anders bette/dan so  
ferre sie zu dē ewigen sūrdeten vñ dieneten. Dan also bittet auch Sa-  
lomon in sprüchen am. xxx. cap. Armüt vnd reichthum gib mir  
nicht/las mich aber meynen bescheyden teyl speys dahyn nemen/  
Ich möcht sunst/wann ich zu vol würde verlaugnen vnd spre-  
chen/Wer ist der her r? Oder wo ich zu arm wurd/möcht ich ste-  
len/vnd mich an dem namen meynes Gottes vergreyffen. Wann  
man nun hie dem Salomon recht ins hertz sicht/müs man ja be-  
kennen/das er nicht für armüt/noch für grosse reichthumß bitte/  
sonder für hoffart vnd diebstal. Also heyst vns auch Paulus bitte  
für die öberkeyt/vnd vmb zeyliche rhū vnd frid/Warumb aber?  
das wir mögen ein gotselig leben füren/vñ die erkantnus der war-  
heyt werde aufgebreyt vnd yederman fürgeragen. Also soltē wir  
auch nicht ehe vmb zeylichß bitten/wir wusten vnd ersehē dann  
vor eyn geystlichen nutz darym/Wo aber nicht/soltē wir es got  
frey heym setzen/wie ers machet/das es vns gefiele. Der gleychen  
sollen wir auch fleysig auff den willen Gottes sehen/wann  
wir bitten vmb abwendung des leydens vnd allerley widerwertis-  
ckeyt. Es ist zweyerley leydens vñ Creutz/das Gott über die men-  
schen schicket. Dz erst ist/das nicht aus zorn/sonder aus gnaden/  
vnd gütem willen Gottes kompt/damit er die seynen züchtiget/  
vnd reyniget die fruchtbarē weyn reben/auff das sie mehr fruchte  
bringen. Von solchem leyden schreybe der Apostel zu dē Hebreern  
am. xij. Welchen der Herr lieb hat/den züchtiget er/vñ geyselt eynē.



yeden sun / den er auffnympt. Darfür sol man aber nicht bitten / Das  
es Gott abwende / sonder eyn yeder sol sein creüz auff sich nemen /  
vnd Christo nachfolgen / Dann der Apostel spricht roeytter zu den  
Hebreern / Seyd jr aber on züchtigung / deren sie doch alle teylhaff  
tig wurden / so seydt jr bastart / vñ nicht kinder. Den trost gibt vns  
aber der heylig Paulus in der ersten zu den Corinth. v. Das Gott  
getrew ist / vnd leßt vns nicht versüchen über vnser vermügen / son  
der macht neben der versüchung eyn aufstumen / das wir es mö  
gen übertragen. Darumb mögen wir auch mit vollen glawbe bit  
ten / das er vns nicht zuwil aufflege / sonder stercke geb / das wirs  
mögen ertragen / des werden wir dann geweret / Aber bitten / das  
er es gar hyñ neme / das were vnchüßlich vnd wider vnser heyl /  
Darumb sprechen wir nicht / Schick vns keyn übel / sonder erlöse  
vns von übel / das es vns nicht überwind / vnd wir nicht daryn  
nen verderben .

Das ander leyden vnd vnglück ist / das aus Gottes zorn vmb  
der sünd willen über die menschen geschütt wirt / als die sündflus /  
als die versenckung Sodoma vnd Gomora / als die gefencknus  
vnd zerstückung des Jüdische volck's ic. Solche straff aber schickt  
Gott der Herr nit über die welt / es sey jr sünd wie groß sie woll /  
er leßt sie vor warnen / vnd in sein wort verkündigen / ob sie sich be  
keren vnd bessern wolten. Also verkündiget Noah die sündflus /  
die in wol hundert jar zuuor getrowet warde / ehe sie kam / vñ war  
net vnd vermanet das volck zur besserung. Darumb nennet in Pe  
trus eyn prediger der gerechtigkeit. Also strafft Lott die zu Sodo  
ma vnd saget in / Gott wurd das land verderben / aber es glawb  
tens auch seine ayden nicht. Also strafften die Propheten manigfel  
tigklich das Jüdisch volck vmb der Abgötterey willen der höhen  
vnd lustgerten / vnd vermanten sie wider zu dem waren Got sich  
zubekeren / ehe dann sie in die Babilonischen gefencknus kemen. Al  
so warnet vnd beweynet Christus selbs die stadt Hierusalem / ehe  
dann sie gar zerstört wurd. Also ist auch das Römisch Reich in  
seiner sterck vnd macht gestanden / wiewol sie abgöttisch waren /  
Bis in die heyligen Apostel den waren Got verkündigten / Dann  
er hat durch den Propheten Ezechiel am. xxxij. geschworn / Als  
war ich

war ich  
von de  
irthumb  
er vns  
damit  
ist der s  
so ist g  
helffen  
acht / E  
men er  
chen / D  
noch an  
Hierem  
Samu  
seel nich  
weg ge  
der Her  
zum sch  
die gefe  
Also  
veracht  
für / Da  
all verb  
müßten  
den. D  
zerissen  
stel ver  
in grund  
Nun  
irthumb  
hat zeyt  
lich vnd  
vns besse  
sonder ey  
braucht



war ich lebe/so beger ich nicht des sünders todt/sonder das er sich  
von der sünd abter/vnd lebe. Wann er nun vnser blindheyt vnd  
irthumb/vnser sünd vnd abgötterey nymet sehen mag / so schickt  
er vns seyn wort/welchs das recht liecht vnd die recht erzney ist/  
damit vns geholffen werd/Vtamen wirs an vnd bekeren vns /so  
ist der sach schon geholffen. Verachtet mans aber vñ verspottets/  
so ist gewiß schon eyn vnglück vorhanden/darfür teyn bittē mer  
helffen kan/Dann Got kans nicht leyden/das man seyn wort ver  
acht/So ist vns auch nymet zuhelffen/wann wir vns die heylsa  
men erzney des wort Gottes/aus eygner schuld zu eynē gifft ma  
chen/Darumb muß es zurymern geen/darfür hilfft weder vnser  
noch ander heyliger lait gepet/Wie der Herr durch den prophetē  
Hieremian am fünfften anzeygt/vnd spricht/Wann Moses vñ  
Samuel hertzū tretten/vnd betten für das volck/so ist doch meyn  
seel nicht mit jr. Stoß sie nur von meinem angesicht /vnd laß sie  
weg gehen/Vnd wenn sie sagen wo hyn/so sag du / Also spricht  
der Herr/Was zum todt gehört/zum todt/vñ was zum schwert/  
zum schwert/vnd was zum hunger/zum hunger/vnd was in  
die gefencknus gehört/das gehe in die gefencknus.

Also istes alweg gangen/da die zur Toabs zeyten Gottes wort  
verachteten/müsten sie alle ersauffen/da halffteyn bit noch gepet  
für/Da Sodoma vnd Gomora sich nicht besserten / müsten sie  
all verbrünnen. Da das Jüdisch volck die abgötterey nicht liesse/  
müsten sie all erwürgt/erstochen/erhungert/vnd gefangen wer  
den. Da Hierusalem Christum nicht annam/müste es in grand  
zerrissen vnd zerstört werden. Da das Römisch Keych die Apo  
stel verfolget vnd erwürgt/müß es auch zerrent/geschroecht vñ  
in grundt verderbt werden/wie es auff den heütigen tag ist.

Nun ist es offenbar/das wir auch eyn lange zeyt in blindheyt/  
irthumb vnd greülicher abgötterey seyn gelegen. Da es aber Gott  
hat zeyt gedaucht/hat er vns auch sein heyligs Euangelion reych  
lich vnd klar lassen predigen/das wir vnsern irthumb erkennen vñ  
vns bessern möchten/wann wir nur wolten. Aber wir thuns nie/  
sonder eyn teyl verfolget es/Der ander verspottet es/Der drit miß  
braucht es zu ander lait verderben/Der vierde fürtes im munde/  
B



vnd ist noch nicht im hertzen. In Summa / Wenig bessern sich / Darumb ist Gottes zorn / wie wir greyffen müssen / schon angangen / vnd wirt nicht auff hören / bis er vns vnser vndanckbarkeyt bezale / das werden wir sehen / Es wirt auch keyn bit helffen / wir bessern vns dann. Darumb wer bitten wil / als wir dann alle ernstlich bitten sollen / vnd ich erwil lieb trewlich vmb Gottes willē dar zū verman / Der bitte / das vns Got sein gnad vnd geyst gebe / das wir sein wort erkennen vnd annemen / vnd darnach leben / als dan wirt die straff selbs abfallen / oder ja der seelen vnschädlich sein / Dv wir aber Got vmb frid vnd rhū wolten bitten / vnd darneben in der alten totheit bleyben / da werden wir gewislich nichts erbitten Dann es ist vnmöglich / das got solt auff hören zu straffen / wann wir nicht auff hören straff zu verdienen / vnd Gottes zorn on vns terlas mit verachtung seynes worts wider vns zureyzen. Darumb last vns bitten / aber vmb besserung vnser lebens. Es möcht aber yemand hye gedencen / Wie aber wann sich gar wenig daran keren vnd bessern / sonder der groß hauff also für feret / vnd Gottes zorn über sich bewegt / Müssen darumb die vnschuldige auch mit leyden vñ verderbē? Darzū sag ich / Neyn / vnd las sich nur das niemand anfechten / sonder sehe eyn yeder auff sich selbs vnd besser sich / vnd frage nichts / was ander thun werden / Dan der Herr weyß die gotselige wol aus der versüchung zuelösen / spricht der heylig Petrus / Ir seyen gleych vil oder wenig / Waren doch in der sündflus nicht mehr dann acht gerechte menschen / vnd verdarb nicht eyns aus inen. Es waren auch zu Sodomia nicht mehr dann die / Lott vnd sein zwo töchter / vnd sie wurden heraus gefüret. Vnd da das Jüdisch volck vmb der abgötterey willē / in des Babilonischen Königs hand wurd gebe / furt er nur die grossen hansen vnd köstliche werckleut hyn / die armen pauren aber / die keyn schuld daran hetten / blyben im landt. Des gleychen / da Hierusalem zu letst gar solt zerstöret werden / warnet Christus die seinen zuvor vnd sprach / Wann jr Hierusalem vmblegert sehet / so wißst / das jr end ist kumen / Wer dann in Judea ist / der fliehe ic. Vñ ob es sich schon begebe / das die vnschuldigen mit den schuldigen müsten gehen / so weret es doch nicht lang / sonder die vnschuldigen müssen

mitten  
Got sp  
seyn / V  
ten in 2  
dem B  
Dann  
lang g  
tes zorn  
dann. S  
seyn gn  
wir der  
schuldi  
landt / v  
das an  
leycht d  
scho  
w



mitten im vnglück glück finden / mitten in der straff ein gnedigen  
Got spüren / vnd mitten in der gefencknus / dennoch frey vñ herrn  
seyn / Wie dann dem heyligen propheten Daniel geschah / der mit  
ten in Babilonischer gefencknus ganz herlich / vñ der nechst bey  
dem König wurde. Darumb jr aller liebsten / nempts zu hertzen /  
Dann wir sehen durch Gottes wort vnsern irthumb / darynn wir  
lang gelegen seind / wir sehen das sich wenig bessern / vnd sehē gos  
tes zorn vor augen / dem niemand entpflihen wirt / er besser sich  
dann. So last vns Gott fleysig bitten vnd anruffen / das er vns  
seyn gnad vnd geyst zur besserung vnser lebens verleyhe / damit  
wir dem vnglück mügen entgehen / Dann Gott kan woll eyn vns  
schuldigen in eyner ganzen stadt / vnd eyn stadt in eynem ganze  
landt / vnd eyn landt in eynem ganzen reich erretten / wann schon  
das ander alles zu trymern gehen muß / Vnd wer weyß / ob er vil  
leycht des größern hauffens vmb des kleynern willē gern wirt ver  
schon / Wie er dann auch zu Sodoma gern het verschonet /  
wann er nur zehen gerecht menschen darynn het gefun  
den. Darumb sag ich / last vns ernstlich vmb besa  
serung bitten / das Gottes wort bey vns nicht  
veracht werd / sonder frucht vñnd nutz  
schaff / Das verleyhe vns got allē /  
A M E N.



Faint, illegible text, likely bleed-through from the reverse side of the page.

Eyn  
bar  
ye  
ch

















